



10111

滇略序

郡國有志以存典故資鑒戒而裨實事
之脩代不廢作者莫不極齊諧之致
僑之識扶微標異隨世附益要以悉
之宜究治亂之變足以廣志之所未備而
翼之則於治道非小補也維滇藩之浹於
同文自我

有明始其志於一統亦自永樂成化間始顧
一統第舉其綱要而通志則拘於格例欲

鬼竒僻之迹瑰異之聞滇未嘗無之而罕
得其籍蓋自蒙段氏竊據其地朝貢間通
聲教阻絕者逾捌百年遵竺乾之說以飾
其治假瑜伽之幻以侈其武威行西海利
盡南交時則地稱異域事若鬼物其制度
風習物產多有紀載不經見博涉之儒所
未固知者即俗有白古通記諸籍皆以其
臆創之文字傳其蠻貊之方音學士大夫
鮮能通之詢之間里耆民千百不一二語

也以今日文明盛世行省列藩而古遺之
乘僅憑之緇徒之野記無論俚不足觀而
今昔不相應斯不亦缺典而吏治之未光
歟我

觀察使晉安謝公學綜四部業擅千秋簿書
之暇殫精著述輜軒所歷輒有撰錄傳布
海內監義家共秘為篋中論衡矣自節駐
櫟榆撫山川之美感唐宋之事謂恂恍譎
怪之觀俱足以供異聞矧御命遠牧日地

設治正不可不盡其情變乃蒐羅通記諮
詢耆舊合所經見刪繁剪陋類列條分衷
以論斷裁為十略衷為十卷繡梓以傳而
滇乘始有全書南中士人始得俱諳其典
故司敬伯於是者有以知遠人阻王澤之
邈達疾苦之艱前代激亂之易而招徠之
難仰見

高皇帝平定之烈俯籌今日撫馭之宜一展卷
而幽遐畢照經濟從心化導殊風黼黻

皇治端有賴於是寧第博物之書雕蟲之藉
已乎公自涖鎮撫治綏柔夷夏悅服諸所
措置百世蒙安而更輯是篇以加惠其士
人以啟佑後之從政然則公立言之事與
經國之業實並不朽於茲方矣承教以寡
昧眯目東西荷公予之指南藉以不謬遂
不禁欣躍而僭拜手以序

賜進士第知大理府事秦古渭陽屬吏薛承教撰

滇略卷之一

版略



晉安謝肇淛輯

三皇之世地過日表夏商盛時朝者萬國滇
雖遠徼亦荒服之內臣也自周失其政六合
瓜分蠻夷猾夏割據雄長始與中華隔絕歷
漢唐宋雖或稱臣貢土而叛服靡常莫制其
命長蛇封豕窟穴二千年矣

高皇帝開天闢地日月重朗金馬碧鷄之墟始

得與子男之列方幅齒遇至於今文運弘開
樵蘇熙攘蒸蒸日上逼鄒魯蓋亙古以來所未
有之盛而亦滇萬世之奇遇也故列其分合
之蹟以及天造建侯之詳俾後之人有所攷
焉

雲南古梁州域徼外西南夷所居也顓頊建九
州其西南爲梁州禹貢華陽黑水惟梁州其
地曰百濮以西南有百國名之如鄩闡昆彌
句町牂牁之類周武王伐紂濮人與焉春秋

時楚叔熊逃難於濮始屬楚楚威王遣莊躋
略地至滇會有秦師道絕遂王之秦通五尺
道置吏焉漢元狩間彩雲見於南中遣使跡
之雲南之名始此也是時滇王當羌問漢使
曰漢我孰爲大使者還報天子惡其不遜時
白崖有天竺白飯王之後仁果者爲衆所戴
遂冊爲滇王治白崖躋世乃絕元封二年發
巴蜀兵臨滇滇舉國降以爲益州郡賜王玉
印章帝元和二年建學立師後主建興三年

益州渠帥雍閭殺永昌太守與孟獲誘煽諸夷以叛丞相亮討平之時仁果十五世孫龍佑那者能撫其民號大白子國仍以其地封之賜姓張氏而以呂凱爲雲南太守晉宋齊梁陳隋廢置不一皆以守令治其人酋長世其官不相凌奪唐貞觀末用龍佑那十七代孫張樂進求爲首領大將軍時有哀牢夷細農邏者耕于蒙之巍山有祥異所居成聚樂進求遂遜國而去之自是諸酋分立爲六詔

而南詔強盛開元間遂併五詔朝廷遣使冊爲雲南王天寶間殺太守張虔陀臣於吐蕃王師討之敗績無何復請內附仍受冊封賜金印後爲其臣鄭氏所篡石晉時段氏據之宋建隆三年王全斌旣平蜀欲乘勝進取爲圖上獻太祖鑒唐之禍以玉斧畫大渡以西曰此外非吾有也段氏遂得世其國元世祖定雲南改爲中慶路封宗室梁王居之而段氏居大理不睦構兵

皇明洪武十四年遣潁川侯傅友德西平侯沐英伐雲南諸郡悉平之置雲南布政使司領府二十州三十六縣三十二而羈縻不與焉見之夷略

雲南府古鄯闡國也楚莊躋王其地曰滇國漢為益州為建寧晉為寧州為晉寧隋為昆州唐武德中置雲南郡後為蒙氏段氏所據元置善闡萬戶府改中慶路國初改今名領州四縣九昆明縣附郭漢滇池地隋昆明州元置善州領昆明宜渡二縣

後併入昆明國朝因之富民縣唐西寧黎州烏蠻居之曰黎漾甸元改今名

宜良縣唐蠻居之曰囉夷籠羅次縣古壓磨

蠻居之元置羅晉寧州漢滇池地晉改今名南詔為陽城元仍晉

名國朝因之以歸化縣漢安江又為大吳歸化呈貢隸焉

呈貢縣漢以來皆烏白等蠻所據有故城曰呈貢元置晟貢縣

安寧州古滇國螳螂川也漢漣然縣唐改安寧元改為州

祿豐縣古球琇甸白村宋大理高氏昆陽州據之名祿豐元因之置縣

漢隸益州晉隸寧州隋立昆州宋大理高氏治之名巨橋元改今名

門三泊縣古焚獠地有那龍城易門縣漢烏

唐由男所居元置漢門千戶所後改今縣高明州古烏蠻枳氏居長州因築臺盟蠻曰嵩盟宋段氏改為郡元改長州又改嵩盟又改為州領楊林邵甸二縣國朝省縣人州更盟為明

大理府古昆彌國漢封滇王仁果於白崖置葉

榆縣隸益州後改隸永昌或建寧寧州唐為

南詔蒙氏所據曰大禮五代段氏建國曰大

理元置大理路國初平段酋置府焉領州

四縣三長官司一太和縣附郭漢葉榆地亦曰樸榆唐南詔取

太和城即此元為趙州漢永昌地唐蒙詔改理州後改今縣

於白崖賧立建寧縣隸之即古勃弄地也雲

南縣漢彩雲見南中處也遣使跡之遂置雲

元降鄧川州漢樸榆地唐遷備州治大釐城

今名浪穹縣浪穹六詔之一治曰彌

立浪穹州賓川州漢樸榆地唐蒙氏太和楚

太和趙州雲龍州古雲龍甸元置總管

南地置今州國初置州土官段氏領

之萬曆末以土十二關長官司本楚場地因

臨安府古句町國也漢置句町縣屬牂牁郡唐

南詔據之置通海郡段氏為秀山郡後為阿

契部蠻所居元置阿契部尋改臨安路國

初置府領州四縣四長官司九建水州附郭

摩蠻地蒙氏城之曰惠石屏州漢蠻曰舊所

宋阿契於地掘得石坪聚居焉名阿迷州漢

石坪邑後訛為石屏元改為州寧州漢祚都

前蠻名阿寧訛為阿迷元置阿寧州改沈黎

郡唐改黎州蒙氏曰浪曠華言旱龍也後通

海縣漢蠻阿赤尼郎地唐蒙河西縣唐置西

三縣河西其一也阿契居之曰嶒峨縣唐為

休臘元置河西州尋改為縣嶒峨縣嶒倪

蠻所居名嶒峨部元蒙自縣唐建水地有山

置州國初降為縣蒙自縣日目則後訛為

蒙自宋為阿契蠻據元置蒙自納樓教化王

千戶所後改為縣國朝因之納樓教化王

弄虧容思陀溪處落恐左能安南共九長官

司

永昌軍民府古戎州哀牢國也一云身毒九隆

氏居之漢通牁南置不韋縣永平間立瀾滄

郡尋改永昌郡唐以後蒙氏段氏代據之皆
為永昌府元立金齒宣撫司以西南有金齒
夷名之也國初置府立金齒衛後省府改
衛為軍民指揮使司嘉靖初復設永昌軍民

府領州一縣二安撫司一長官司二保山縣

附郭漢以來皆為哀牢不韋縣境國朝騰

嘉靖初設府始置縣以治西有太保山名騰

越州古越賤地唐置羈縻州蒙氏為軟化府

征緬招討使司國初為指揮永平縣漢博

使司嘉靖初置州改司為衛

晉改永平蒙氏為潞江安撫司潞江甸也亦

勝鄉郡元置今縣

初設柔遠府鳳溪長官司國初施甸長官司

後改為司舊石甸訛為

施甸元置司

楚雄府晉以前屬益州邊地後設安州爨夷築

城居之名曰威楚蒙化置銀生節度段氏為

當筋賧改白鹿郡又為威楚部元改為路

國初改設楚雄府領州二縣五楚雄縣附郭

州威楚縣也元置威州尋廣通縣古路賧地

賧縣元定遠縣漢越嵩地唐曰西漢州曰髡

改今名州後沒於蠻只耐籠元置牟

州尋改定遠州後降為縣定邊縣唐漢落蠻居之曰碣嘉

縣唐以前夷獠居之曰虛初元時有大星南

安州舊黑爨蠻居地曰摩芻元置鎮南州漢

蠻所居川名欠舍城曰鷄和蒙氏置石鼓縣

又置俗富郡元置欠舍石鼓二千戶後改為

鎮南

曲靖軍民府漢夜郎味縣地也蜀漢置興古郡

梁曰西爨隋置恭州協州唐曰曲州靖州蒙

氏為石郡元初為磨彌部後改曲靖路國

初改為軍民府領州四縣二南寧縣附郭郎

唐南寧州亦佐縣漢牂牁郡宛温縣地唐為

元改為縣元改為縣亦佐縣漢牂牁郡宛温縣地唐為

訛為亦佐元置縣霑益州漢宛温地唐西平州磨

涼州漢平夷縣地晉置平夷郡蒙馬龍州漢

古地唐沒於蠻名撒匡棘喇又為納羅雄州漢

激江府古滇池地也漢置俞元縣隋屬昆州唐

屬牂州後沒於蠻為羅伽甸南詔置河陽郡

段氏析為三部元置激江路國初改為府

領州二縣三河陽縣附郭唐麼些蠻居之南

州尋降江川縣漢碌雲異城又曰易籠蒙氏

為縣徙曲旺蠻居之段氏曰步新

州尋降為縣陽宗縣唐蠻強宗部居此訛新

興州漢青蛉弄棟二縣地唐置求州蒙化為

納後置路南州唐昆州地夷名路甸後為落

新興州路南州蒙蠻所據元置萬戶府後改

州路南州

蒙化府唐以前為白國與大理同隸蒙氏細奴
邏居之號蒙舍詔後改為陽瓜州段氏改開
南縣元為蒙化府又降為州 國初因之屬
大理正統間復改為府

鶴慶軍民府漢隸益州又分隸永昌郡唐初越
析詔地名曰鶴川又曰漾工蒙氏置謀統郡
段氏改府元置鶴州後改為鶴慶府又為路
國初改路為府尋改為軍民府領州二劍

川州 古名也浪穹詔與南詔戰敗保此稱劍
浪蒙氏併之置劍川節度後臣吐蕃為

吐蕃賧段氏改義督賧羅魯城羅魯華
言海也元改劍川縣 國朝陞為州 順州

唐名牛賧羅落蠻
居之元改為順州

姚安軍民府本滇地漢置弄棟蜻蛉二縣唐置
姚州以其地多姚姓也蒙化改弄棟府段氏
為統矢邏又改姚府元改姚州尋陞姚安路

國朝改為府後改為軍民府領州一縣一

姚州 附郭漢弄棟
沿革與府同 大姚縣 漢蜻蛉唐西濮州
改髻州段氏為大

姚堡元
改為縣

廣西府古滇國東南境漢牂牁郡地後為東爨

烏蠻彌鹿等所居唐為羈縻州後師宗彌勒

二部寢強蒙氏段氏不能制元時內附置廣

西路 國朝改為府領州三師宗州蠻部名據

甸元以本部領阿寧豆勿彌勒州蠻部名據

阿盧豆吳四所後改為州維摩州元置領

部籠元以本部領古輸哀惡維摩州元置領

尋甸府古滇地獫狫蠻居之其部曰仲劄益源

後為烏蠻新丁所奪號新丁部訛為仁地蒙

氏為尋甸段氏曰仁德元置仁德府 國初

改為尋甸軍民府土官領之成化間以土酋

相殺始設流官改尋甸府

武定軍民府漢益州地也唐隸姚州獫鹿諸蠻

居之段氏為羅婺部元改武定部 國初改

軍民府土官鳳氏領之隆慶間以叛誅始設

流焉領州二縣一和曲州州郭即羅婺地有

曲附元謀縣舊曰環州祿勸州舊為洪農

州為州元置今縣勸甸元改今

景東府古曰栢南昔穰和泥二蠻居之名猛谷

又曰景董唐以前不通中國蒙氏立銀生府後移於威楚其地復為蠻有元討平之置開南州國初改為景東府

元江軍民府古西南極邊地曰惠籠甸又名因遠部蒙氏置威遠臉後和泥蠻據之曰羅槃甸宋儂智高之黨竄此元時內附置元江路領羅槃馬籠等十二部國初改府求樂間改軍民府領因遠羅必甸長官司

麗江軍民府古荒服地漢唐皆隸越雋蒙氏置

麗水節度後為蠻酋蒙醋醋所據元討平之

置麗江路國初改府後改軍民府土官木

氏世官之領州四通安州附郭漢定符縣唐昆明元置今州

寶山州漢寶龍縣境元置寶山縣尋陞為州蘭州漢博南縣唐羅眉州段氏

置瀾滄郡巨津州漢羅葵九賧諸蠻元改今州所居元置今州舊有縣

曰臨西正統間仍屬本府

廣西府叢山深林古無郡邑宋儂智高裔居焉

曰特磨道元立廣南路國初改府仍以儂

氏官之領州一富州元置

順寧府古百濮地也後訛濮爲蒲地曰慶甸蒲人
世據之自古不通中國元時內附置順寧

府并通寶州慶甸縣 國朝因之而省州縣

入府後隸以雲州 蠻名猛祐焚夷所居元時

大候長官司尋改爲州土官奉氏領之萬曆間上會叛討平之改今名隸順寧府

永寧府古名樓頭賧又名荅藍一名茶藍地接

吐蕃蠻泥月烏者居之後屬南詔元忽必烈

駐師日月和卽此尋內附置永寧州 國初

因之永樂初陞爲府土司阿氏官之領革甸

刺次和香羅瓦魯之四長官司

鎮沅府在西南極邊地昔樸和泥二蠻居之唐

屬蒙氏又爲金齒爨夷所奪元初內附立威

遠州及案板寨 國初改鎮沅州永樂間陞

爲府領祿谷寨長官司

北勝州漢以前屬白國時鐵橋西北施蠻據之

蒙氏闢其地爲北方賧徙諸蠻以居號劔羌

又曰成偈賧又改善巨郡段氏爲成紀鎮元

置施州後改北勝府 國初仍爲州初屬鶴

慶及瀾滄衛正統間改隸布政司

蕩蕩州唐名羅共賧元置今州屬北勝府 國

初屬鶴慶後改隸瀾滄衛

新化州舊爲馬龍他郎二甸阿楚諸蠻世據之

元時內附屬之元江路 國初改馬龍他郎

甸長官司弘治間改今州隸布政司

全省封疆東界廣西南界交趾西界楚夷北界

四川東北五百里至貴州普安衛東七百五

十里至廣西泗城州東南六百三十里至貴

州烏撒可渡南四百六十里至廣西上林州

西南三千五百里至南海西六千里至西洋

海西北二千里至吐蕃北四百里至四川會

川衛自司至應天府七千二百里至順天府

一萬六百四十五里嶺南郭棐曰按周武王

孟津之會及于濮人則其入中國自周始矣

漢武開邊選守令治其地考之當時置益州

領郡縣二十有四曰滇池雙栢同勞同賴速

默俞元牧靡穀昌秦臧邪龍味昆澤葉榆律

高不韋雲南雋唐弄棟比蘇貴古母掇勝休
建伶來唯其屬越雋郡縣有二遂久青蛤屬
牂牁郡縣三平夷漏臥句町其在今日幅員
視漢更廣大矣傳沐諸將軍開拓之功仰贊
我
高皇帝廓清之治豈不宏遠哉

滇略卷之一終

滇略卷之二

晉安謝肇淛輯

勝略

大塊靈淑之氣不洩爲人文則結爲山川南
天荒徼顛蒙未開故其勃鬱磅礴山斧削而
水電飛至於詼怪鬼裔之奇不可名狀惜其
自古以來職方不隸杖屨罕經流賞題詠若
斯而止今所存者亦千百中之什一耳昔尼
父居夷伯陽入胡豈故逃之六合之外或有

取爾也矧被 聖化日月悉主悉臣者哉故
擇其較著以俟觀風者採焉

金馬碧鷄二山在滇省城外西爲碧鷄東爲金
馬相距五十里許中隔滇池漢宣帝時方士
言其有神可祠而致遣諫大夫王褒求之顏
師古曰碧形如鷄金形如馬故名一云以有
鳳凰及龍馬隱見於上名之顏說非也元張
雄飛詩北闕辭丹鳳南雲看碧鷄紫苔移玉
座瑤草濕金泥雨霽龍歸洞風生虎渡溪尋

梅穿竹徑採藥躡松梯白日依山盡青天入
海低寄書無鴈過擇木有猿啼花映高低樹
園分遠近畦飛星馳寶馬沈水吐銀猊魚戲
蓮房北鷗鳴菡渚西長歌漢頌罷刻石紀新
題

五華山在省城中雄瞰千雉四望無際其上有
寺樓閣宏麗爲滇諸刹之最都御史錢塘鄭
顥詩上人栖迹雲霞中樓居背倚青芙蓉映
簾花木四攢遶深幽雅稱金仙宮古聞滇陽

稱佳麗五華特秀西南叢滄波遠引勢吞吐
城闔俯瞰煙溟濛樓臺萬井互參列浮圖百
尺高凌空面前岡巒總奔附嵯峨宛若君山
峰

太華山在碧鷄西北俯瞰滇池迥出遠近諸峰
之上絕頂有寺元僧玄鑑建永昌張含詩滇
國地形惟此最青霄樓閣迥招提山圍雉堞
籠金馬海撼龍宮浴碧雞雲裏鶴巢松樹遍
風前仙梵雨花迷諸天不在藤蘿外中夜起

看星宿低銅梁張佳胤詩石牀橫架萬峰西
海上雙明入戶低自是山中無玉漏朝來還
有碧鷄啼又焚香高臥太華煙鶴唳松濤夜
不眠欲向此中尋住着海心月在白雲天

螺山在省城之北山無草木石皆青色盤旋若
螺髻焉其下有漸音洞深黑莫測有人燃炬
行兩日阻水而還前爲圓通寺依巖谷爲之
窮極幽險都御史吳興顧應祥詩有雲擁數
峰環寺立煙開一逕傍城灣之句

滇池卽昆明池也在省城西南周廣五百餘里
合盤龍江黃龍溪諸水爲南中巨浸其水源
廣而未狹有似倒流故曰滇漢武帝欲伐西
南夷於長安穿昆明池象之以習水戰其上
爲太華金碧諸山其外有金稜銀稜澄清諸
河菡萏蒲荇魚鱸菱芡之產不可殫窮元李
京詩嫩寒初褪雨初晴人逐東風去棹輕天
際孤城煙外暗雲間雙塔日邊明未請習俗
人爭笑乍聽侏僂我亦驚瓊重碧鷄山上月

相隨萬里更多情明顧應祥昆明池歌昆明
池延袤數百里千山萬山直自崑崙來諸山
之水匯于此相傳其水顛倒流滇池之名由
此始左有金馬山右有碧鷄峰瀾漫浩瀚渺
無際但見洪濤巨浪日夕排蒼空青天忽驚
白日起霹靂震撼蛟龍宮天吳水怪九首八
足不可以名狀時復出沒于其中有時風恬
波浪息一碧萬頃開青銅其廣也如此胡爲
乎不在九域之內不得與五湖七澤相爭雄

神禹治水跡不到穆王八駿難爲窮漢武鑿池徒彷彿王褒將命何匆匆唐宋以來各僭據聲教不與中國通天開景運聖人出一掃海內羣邪空五服之外更五服俛首授命歸提封侏僂椎結之類吾不知其幾千萬種禮樂不異車書同眇余生當全盛日觀風雨度乘青驄古來多少豪傑士局于偏安之世不得一洗塊磊胸百年過眼一彈指得此勝覽真奇逢振衣獨立太華頂狂歌目斷孤飛

鴻

滇池西二十里有海源洞中可容數百人四壁削立石乳倒垂疑成幻象千狀萬態不可數計其下有龍湫流水清淺四時不竭雨旱禱之輒應

玉案山在滇池北十餘里一名列和蒙山秀麗多泉石山北有三泉如盆池上有玉案遠近佛刹攢列其最勝者爲筇竹寺花木幽翳靜室清絕遊俗罕至寺僧皆脩頭陀行守戒著

節其得道者終身未嘗下山山椒有棋局相
傳有仙人奕於此唐道南和尚詩松鳴天籟
玉珊珊萬象常應護此山一局仙碁蒼石爛
數聲長嘯白雲間乾坤不蔽西南境金碧當
分左右班萬古難磨真蹟在峰頭鸞鶴幾時

還

南詔通記
作年浚詩

高曉關在昆明縣東雲津橋之北舊有城嘉靖
初成都楊慎謫戍永昌來往滇池相其地上
築焉樂其勝槩爲作十二景詩後竟卒于此

今其庄亦荒廢張佳胤高曉弔楊太史詩君
自投荒日飄零瘴海間風雲辭玉署歲月謝
紅顏著述愁中盡詩篇病後刪大名留死諫
前席阻生還石表何因折泉臺不可攀知無
封禪草誰問碧鷄關僮僕將孤櫬文章遍百
蠻空餘載酒處寂寞鎖青山

欸雲山在嵩明州東四十里世傳蒙世隆征烏
蒙得四女歸至此山四女遙望故鄉俯仰嘆
息忽山顛霧結三峰蠻謂三爲欸注爲雲其

山酋萃獨峻登眺則雲南悉在目中又名峻
蔥山

滇溫泉最多而安寧州之碧玉泉爲冠在城北
十里許四山壁立中爲石凹飛泉注焉清可
鑿髮香可淪茗有坐石正方碧色如玉故名
楊慎亟稱之謂海內第一湯其上爲曹溪寺
倚山飛閣登之可望百里諸山有海眼泉一
日三潮隨涌隨涸相傳僧戒照卓錫之所楊
慎詩黔岫靈砂址華清舉石湯佳名雖許并

仙液詎堪方大井元暹脉曹溪且讓香流溫
涵水碧氣鬱謝硫黃清暑南薰際回暄北陸
傍體應借鷺潔心不假犀涼春醞薰蘭傘雲
腴泛茗槍弄珠餘浣女鱸玉贖漁郎瑤草蟠
千歲瓊芝綴九房溫柔真此地難老更何鄉
點蒼山一名靈鷲山在大理龍首龍尾兩關之
間縣互百餘里若屏風然有十九峰環列內
向峰各一澗懸瀑而下散入市廛村墅東注
于洱河陰崖積雪經夏不消故亦名雪山山

腰時有白雲橫亙如帶蒙氏封爲中嶽漢書
曰邪龍雲南注山似扶風太乙之狀上有馮
河周迴萬步五月積雪皓然卽此山也山中
梵宇叢林絡繹相望相傳爲阿育王封國三
千蘭若竝得其半今所存什一耳馮河在玉
局峰之下巖壁聳削潭水清澈每有墜葉鳥
輒銜去志云觀音大士放黑龍於此也其北
麓產文石黑白分明如畫可爲屏障元高昌
雅詩水繞青山山繞城由來人傑地應靈水
光萬頃開天鏡山色四時環翠屏康里子山
詩有客新從鶴拓來自言曾上五華臺蒼顏
暑雪當窓見玉脚晴雲對檻開桂樹小山招
隱士桃花流水屬仙才王孫芳草年年綠爲
問西遊幾日迴

點蒼山有二龍潭南潭黑龍居之北潭黃龍居
之黃龍善而黑龍惡二龍相與鬪黑者敗眇
其一目潛於潭底人近之輒雷雹暴作或云
此卽大士所放之龍也俗名其水爲高河每

歲五月溪上不時有雨而田野烈日皦然割
麥插秧雨不相妨相傳觀音大士授記而然
蒼山三陽峰葦原之上有風洞風從地孔中出
雖五六月吹人肌骨寒顫卽壯夫不能久立
也臨安納樓長官司東二十里亦有風洞四
時不絕滇之多風其以此耶鶴慶亦有之

鷄足山一名九曲在大理東北一百里峯巒攢
簇如蓮花盤曲九折一頂三歧若雞足然故
名上有石門七十二峰林樾雄深梯磴險絕

世傳佛大弟子迦葉守佛衣以待彌勒之所
後涅槃於此至秋夜不時放光一山盡明有
白石菴河子孔洗心橋迦葉殿羅漢壁架梁
石獅孫梯大悲閣虎跳澗拜佛臺曹溪水大
小龍潭華首門迦葉洞絕頂四望萬山皆伏
唯點蒼西峙與之頡頏近侍御史南海潘公
濬建觀風臺其上尤稱壯觀前後遠近蘭若
七十有二窮極幽勝西域天竺諸僧歲時雲
集香燈梵唄百里相望殆非人境閩鄧原岳

詩葉榆水從山脚流點蒼鷄足俱神丘東西
對峙爭奇絕翩翩靈蹟垂千秋我聞鷄足之
山元淨土迦葉授衣卽其處禪宗正印信難
求釋氏遺踪或可覩相傳八月佛放光輪因
五色還非常琳宮紺宇不知數浮圖寶刹凌
蒼蒼我來登覽多所歷煙霧冥冥恍相失披
逕先尋兜率庵捫蘿再扣袈裟石江風吹雲
雨如注猢猻梯滑不可度大悲閣在山之巔
下視羣峰互吞吐須臾雨散雲亦開指點遙

山青翠來麗江雪嶺白照眼茫茫海水淨銀
杯捨身崖前多虎跡仙碁在上草花碧拜佛
崖懸千仞岡曹溪泉冷成丹液華首門扁亦
已久昔時衣鉢今何有洞天寂寂雲四封層
巒半壁苔衣厚俯瞰下方亦可憐幻成百里
兜羅綿我身一作空明想便如鉢裏開青蓮
聞見如來非色相眼底何須說真妄佛地機
關只自知靈山面月聊堪狀信宿山中俗慮
清欲從此地學無生不然解帶還山去身騎

赤龍朝玉京

西洱河在大理城東卽葉榆水也一曰洱海島
貞道黑水至于三危入于海注云西洱海與
葉榆澤相貫又水經注云葉榆水道交阯麋
泠縣東逕浪泊其水黑似榆葉漬之而名按
司馬相如文略斯榆注斯音曳又史記漢書
皆作楛榆未可以臆解也水經曰罷谷之山
洱水出焉山在浪穹縣北泉湧起如珠樹經
玉案山前繞郡而南西出天橋點蒼山後是
爲潯水與漾水合又西入于蘭滄江又南入
于海其水有三島四州九曲彎環如新月島
形如案故名玉案石上有朱文若古篆不可
辨世傳是大士與羅刹買地券也石壁上刻
云此水可當兵十萬昔人空有客三千蜀都
賦云諸葛亮之平南中也戰於是水之南其
後唐開元中李宓王天運等伐南詔前後覆
軍二十萬皆沒於此水濱有神祠其狀牛首
人身或虎頭鷄喙皆大石自地湧出非人工

也雨旱禱之輒應冬月海風水而常有陰火
高數丈起海賦曰陰火潛然是已東岸有分
水崖儼若斧劃南爲河北爲海所產魚不相
入八月望夜時有珊瑚出水面志云卽恒河
也元述律杰詩洱水何雄壯源流自鄧川兩
關龍首尾九曲勢蜿蜒大理城池固金湯鐵
石堅四洲從古號三島至今傳羅閣憑巖嶮
蒙人恃極邊要當兵十萬不數客三千世祖
親征日初還一統天雨師清瘴癘風伯掃氛
煙民物因蕃富封疆近百年點蒼山色好銘
刻尚依然

漾水一名神莊江源出劍川經趙跋過打牛坪
遠點蒼之背與凜水合淼漫無際俗謂之漾
備江謠云過了漾備渡閭王請上簿到得龍
尾關纔是到人間言其瘴毒甚也

蘭滄江一名鹿滄其源出吐蕃嗟和哥甸一云
出莎川石下其石似鹿故名自麗江度雲龍
州至于永昌廣僅三十餘丈其深莫測其流

如奔東流經順寧達于車里入于南海卽漢書所云搏南蘭津也今日瀾滄俗謂之浪滄蒙氏封爲四瀆之一其江中有物黑如霧光如火聲如析木破石觸之則死或云瘴母也文選謂之鬼彈內典謂之禁水惟此江有之他所絕無李元陽曰此卽禹貢黑水至于三危入于南海者也

潞江在永昌南百餘里一曰怒江源出雍望奔流而下其深莫測兩岸陡絕入夏則多瘴毒不可渡蒙氏封爲四瀆之一

趙州南六十里爲白崖古廟中有鐵柱諸葛武侯定南中歸以紀功也至唐咸通間蒙酋世隆復重鑄之故郭松年大理行記以爲非武侯所立不知張樂進求時已有鐵柱矣崖半有畢鉢羅窟巖壁聳拔千丈餘其下林麓霧霧無路可由南詔時有杜老蠻者卽崖而寺之捫壁而上有獨木橋十餘所長三尺或五六尺巖嶮不敢着足樵子僂疾者履之而過

亦不損折其木非常見之材每月十五夜換
橋一次不知其因十六日但見橋製更新無
復舊木矣世傳神仙所爲因謂之仙橋昔寺
僧畜犬仙橋遂斷後屏犬橋復完成化間壁
上見詩云懸崖萬仞沒躋攀樓觀參差香霽
間一派水流蒼石隙數聲猿嘯白雲間堪嗟
蕭史乘鸞去定是王喬駕鶴還唯有靈橋高
料掉幽禽惆悵對空山不註姓氏然其地士
人所不能到竟不知誰爲也

青華山在雲南縣南八里其下有洞山僅培塿
而洞深邃不可窮懸崖滴乳愈深愈奇上有
石竅漏光若天窓然岐逕支分人入必糜糠
以志其迤每歲季夏二十四日土人士女還
至以苜火爇之云不爾必有蜘蛛之齧或云
此卽唐三藏取經遇蜘蛛怪處也御史李元
詩青華洞深且密神工融鬼斧劈茫茫天壤
間此理不可詰無乃渾沌初闢時浩氣墟泡
成幻質沿苔捫石豈容已宛若風雨投暗室

虛幽極處明自生時復有竅見天日祛昏破
晦露真機萬態千形難盡述行行洞口更升
巔咲看扶桑紅日出

九鼎山在雲南縣西北二十里一曰寶泉九峰
相並望之簇如青蓮石穴空洞盤折而升其
上有九鼎寺昆盧閣古佛洞華嚴洞玉峰塔
諸勝倚巖結構飛梯令人登之有挾風生羽
之想吳郡馮時可詩九鼎嶺岼望裏新長松
落落逼蒼旻蜂房燕壘虛無地薤蕈藜牀遠

絕塵雲宿下方流王葉月生半壁吐金輪最
憐政暇能無隱倚石看山更幾巡

水目山在雲南縣之南二十餘里山巔有泉深
不可測南詔段氏於此建水目寺相傳初建
時有僧阿漂爲工匠都養炊爨汲水以供衆
僧未嘗違失日則奔走勞苦夜則懸首廟梁
三十餘年其懸髮金鈎至今猶存嘗挈筐入
市貨乳酪蔬菌之屬雖二百里外產者一日
致之人因其出窺其室中見漂閉戶默坐置

筐坐前有頃筐中諸物自盈見者誼於衆漂
遂立化寺有白虎窩黃龍木犬之異有貴客
至木犬自吠今遺址猶存

金沙江一曰若水源出旄牛徼外

在麗江西北

東南

至於麗江鶴慶北勝姚安諸界水濱產沙金
故名山海經曰黑水之間有木名曰若木若
水出焉水經注曰若水南經雲南之遂久縣
今金沙江巡檢司是也又東流合繩水孫水
淹水瀘水注于馬湖諸葛亮南征渡瀘卽此

昔黃帝長子昌意德劣不足紹承大位降居
斯水爲諸侯娶蜀山氏女生顓頊於若水之
野是其地也楊慎宿金沙江詩往年曾向嘉
陵宿驛樓東畔欄杆曲江聲徹夜擾離愁月
色中天照幽獨豈意漂零瘴海頭嘉陵回首
轉悠悠江聲月色那堪說腸斷金江萬里樓
水經曰葉榆水西北有鳥弔山世傳鳳凰死於
此每歲秋冬百鳥群聚嗚呼啁晰土人夜然
火張羅待之鳥投火罹羅多有異羽匪直滇

產也內無噤者以爲特哀不食稱爲義鳥放
之今鄧川浪穹之間有鳳羽鄉山曰鳥甲每
九月至十一月夜中萬鳥群聚居民燭而羅
之所獲萬計與水經所載無異楊慎詩鳥甲
山頭百鳥傷刺桐茅竹隱斜陽九苞文采不
復見千古令人空斷腸按蒙化亦有鳳凰山
其說與此同按鳥以赴義至而小民無知網
而取之不仁甚矣萬曆己未余
至始行邑
禁絕之

天橋在大理西南三十里洱水下趨處也相傳

蒼洱之間其初皆爲水國觀音大士鑿石爲
橋洩水民始得平土而居其石下斷上連絕
壑深塹若梁跨之憑虛凌空可度一人故名
天橋橋邊激水濺珠宛如梅樹人呼曰不謝
梅亦奇觀也橋之北有沓嶂又名一線天水
故道也石林古色可吹洞簫莆田方沆詩蒼
嶺青未了寒煙野戍平危梁通地脉削壁類
天成霜色孤鴻暝濤聲萬馬行昔年曾割據
形勝控榆城閩陳嚴之詩似入天台路橫梁

跨壑懸川應疑禹鑿石豈仗秦鞭歸鶴來何
處長虹臥不還支機隨意取不必待張騫

點蒼山龍泉峰下有諸葛武侯畫卦臺云世傳
武侯南征屯兵於此披草萊中得石刻伏羲
像因作八卦臺祀之土人以爲祭天又名曰
祭天臺其龍關以西謂之天威逕蓋取孟獲
公天威也南人不復反之語唐高駢詩豺狼
坑盡却朝天戰馬休嘶瘴嶺煙歸路嶮巖今
坦蕩一條千里直如弦萬里驅兵過海門此
生今日報君恩回期只待風煙淨不遣征衣
有淚痕

大理之南有蕩山寺一名感通漢摩騰竺法蘭
由西天竺入中國時建也唐南詔重新之其
地山巒迴合林樾葱蒨佛堂之外僧院三十
有六四壁繪人天諸相皆極工麗中堂石上
有僧趺跡云洪武十六年寺僧無極率其徒
入覲獻白駒一山茶一上臨軒受之山茶
忽發一花上異之賜御製詩一十八章

叙其水陸往返之勞併序刻於石其東麓曰
獅山環山面河幽靜可賞

弘聖寺一名一塔寺在大理城西其北有崇聖
寺亦曰三塔寺皆勝地也弘聖有塔高二十
餘丈十有六級相傳周時阿育王所造塔也
其上有閣宸蒼山面洱河原野雉堞皆在指
顧之中左有諸葛武侯祠及楊慎所摹禹碑
崇聖三塔中者高三百丈外方而內空其二
差小各錯金爲金翅鳥立其上以厭龍也不

知何始塔頂有鐵鑄欵識云貞觀六年尉遲
敬德監造開元初南詔脩之請唐匠恭韜徽
義重造中觀音像高二丈許蒙氏董善明者
嚙天願鑄是夕天雨銅取以鑄像僅足而止
像成之日瑞光五色樓有鴻鐘聲聞百里其
外萬松離立蒼翠際天僧房花木幽翳臺閣
孤廈至者徘徊不能去程本立詩眼中城郭
與山川坐我江南罨畫船雲氣半空飛白雪
水光一鏡落青天野墻櫻樹人家住官路梅

花驛使傳最是僧房聽梵唄此心能洗百憂

煎

判文山在臨安府城南二十里高千餘仞中有
三峰削出如筆架昔大理段思平外舅爨判
居其上因名有祠焉學士王景常判山翫月
歌判山山上秋月明判山山下秋水清道人
持盃待明月氣壓泰華吞滄溟姮娥靚粧倚
碧井照見琉璃幾千頃興來吸盡金叵羅舞
袖徘徊弄清影嘉靖中學使趙維垣易名煥

文

巖洞在臨安東二十里一名雲津洞山形綿互
林徑縈紆衆水歸宿伏流會盤江達于南海
洞口空濶可容數百人前阻深潭無徑可通
遊者循山背行達中洞結橋而度列炬而入
石髓凝結倒垂千態萬狀蓋西南第一洞天
也其後有小洞二曰南明曰萬象南明黝黑
中忽有天窓豁然明朗萬象峻閣嵐靄層結
如雲霞飛布其上尤爲奇絕云學憲秀水吳

鵬詩雅志在山水臨眺興無倦竚望城東郊
幽巖表南甸使君復愛客撫景開芳宴解帶
遡南風手掬冰花片披榛得微路延瞰中巖
徧結橋度雲溪列炬散晴電怪石蚪龍翔層
臺玉芝炫旋轉尋丈間幻化千萬變勢凌天
姥竒名並桃源擅自非神明護乾坤豈終見
日來苦塵縛勝引資游衍薄暮下山椒心賞
徒猶戀安得長公術移此中州奠依棲鍊五
藥辟穀謝朝彥

阿迷州井三十里有火井其水溢出流入於田
井中常有煙氣投以竹木卽燃夜則有光四
傍石亦皆熱出煤可以代薪

異龍湖在石屏州之東有九曲週百五十餘里
中爲三島小島名孟繼龍有蛇虫不可居昔
東蠻酋以有罪者流於此中島名小末東太島
名和龍湖蠻立城於上漢名水城四面皆巨
浸東流入于瀘江

太保山在永昌府西其名不知所始差我東向

高千餘尺橫崗數里山巔平行可習騎射嘗
有掘地者於土中得巨磚甚多皆有平好二
字周遭林木蒼翠煙雲變幻稱奇觀云
哀牢山在永昌東二十里孤峰秀聳如拱如坐
高三百丈餘雄視西陲延袤三十里許頂石
巉巖如鱗有二穴名天井水出其中土人於
春首視水之盈涸卜歲之豐稔穴下相通取
左穴水則右穴涸取右穴亦然山下有石如
鼻二孔出泉南溫北冷分流數十步復合爲
一號玉泉故又名玉泉山

博南山在永平縣西南四十里一名金浪山其
巔又名丁當路極險隘乃蒲蠻出沒之所昔
南詔遣將軍征緬回師多齎金寶經此山遇
盜將軍死之後立祠於此北麓有泉流爲花
橋河方沆詩萬里哀牢地雙旌度博南林開
山列障天遠樹如簪嵐氣征衣重霜華旅鬢
含蘭津看漸近訪古一停驂

羅岷山在永昌東北百里蘭滄江西岍也高于

丈袤四十餘里相傳蒙詔時僧羅岷者自天竺來此嘗作戲舞山石亦隨而舞後沒土人祠之巖下時墜飛石過者驚趨謂之催行石相傳上有野獸拋踏而下後有人將曉時見石自江中飛上霧中甚多不由獸也有橋於兩岸曰霽虹纜鐵梯木懸跨千尺郡人張含詩蘭津之南何崔嵬水寨仄路盤空迴江氛嶺禳日月翳山狂谷狼猿猱哀炎天風高屢見電巖冬地迴常聞雷釣藤毒葛四時茂鸚

哥杜鵑千樹開

臥獅山在永昌南十五里以形名高百丈餘袤二里許其下有洞曰芭蕉廣二尋高稱之入深百五十步其中石乳燦爛有如蓮如鐘如傘之異故又名石花山

雲巖山在永昌城北二十五里高二百丈餘盤迴三里許雜木陰森巖石深百步中有石橫臥于下長丈餘好事者鑿而爲佛建寺以覆之扁曰雲巖臥佛其左有洞洞門高三尺深

十餘丈寺外築臺建門臺下有池
高黎共山在騰越東非百餘里古名崑崙崗夷
語訛爲高良公云界龍潞二江之間潞江冬
月無霜而此山巔霜雪嚴沍蒙氏封爲西嶽
山上下東西各四十里登之可望吐蕃之雪
山山頂有泉東入永昌西入騰越故又名分
水嶺侯璉詩高黎共山花正紅千岫萬岫煙
雲中險道蒼巖鎖青黛絕巖突兀摩穹窿鶯
聲鵲聲滿丹嶠遠色近色皆蒼松記取此景
付彤管豪吟野眺生春風其左右有平川名
彎甸炎熱瘴癘商賈謠曰冬時欲歸來高黎
共上雪夏秋欲歸來無柰彎甸熱春時欲歸
來囊中資糧絕

永昌龍泉門外有九隆山相傳哀牢夷九隆兄
弟世居此山之下諸葛亮南征時鑿斷山脉
以洩王氣今遺址猶存其麓有泉自地湧出
凡九竇郡人甃石爲池承之其下匯爲大池
可三十畝名曰九龍池夏月荷花盛開中有

畫船可以游汎武陵江盈科謂滇人不知舟
獨昆明池與此耳張佳胤詩陂塘晴射海霞
紅樓榭清陰落鏡中古木浮槎天上過平橋
流水席間通歌聲漸起千峰月寒氣非關九
夏風環視盡搖河漢影對君疑坐斗牛宮

烏蒙山在祿勸州東北三百里一名絳雲露山
北臨金沙江山有十二峰聳秀爲一州諸山
之冠八九月間常有雪故又名雪山其頂有
烏龍泉下流爲烏龍河蒙氏封爲東嶽

蒙樂山在景東府北九十里一名無量山高不
可躋連亘三百餘里中有石洞深不可測一
峰特出狀若崆峒蒙氏封爲南嶽其南有泉
爲通華河其北有泉爲清水河俱東入于大
河

永平縣有打牛坪相傳諸葛武侯南征至此值
春日鞭牛教民畊稼後人因以名之
廣通縣翠屏山中有湯園箐云武侯擒孟獲駐
師於此特臘月二十四日也軍士追思荆楚

以湯團祀竈乃炊而食之未盡者棄之而去
至今箐中小石形類湯團然

楚雄城北有坡曰青峰坡其上一石高八尺廣
半之名曰峨嵋石一人撼之則動聚衆挽之
巖然不搖

澱江城南十里有湖曰撫仙周三百餘里北納
諸溪南受星雲湖泓涵清澈一碧萬頃玉筍
山撫其上宛若仙人憑鏡而立故名也山舊
名湧拔屹立水際高峰刺天不與群峰接狀
如玉筍然其北有羅藏山羅藏夷言虎柵也
昔有虎自碧雞渡滇池至此土人造柵以取
之山高可五千尺其上寬平有龍湫時興雲
霧元梁王立寨其上故又名梁王山飛泉自
峰頂落流入四遠

竹掃寺在蒙化南百里許無院無僧止有石佛
早則蒙人昇之城隅禱應卽還山所居左右
產竹甚茂竹稍下垂拂石其潔如掃亦一奇
蹟也

石竇山在劍川西南二十里上有靈泉狀如仰
白纜容斗水百人挹之不竭不挹亦不盈也
洞中有石佛石棧石井石人以至獅象鐘鼓
蛙蛇之屬遍於陵谷皆石也大理李元陽記
謂緣崖諸石像如大士羅漢者甚多皆若雕
鏤然及省其手足指爪剝折之處又皆空洞
如人骨然乃知其爲天成也楊慎詩初地追
清賞名山愜素聞峯巒合元氣樓殿截霞氛
灌木長藤繞幽篁細路分剛風凝石髓香梵
滿岷薰泉溜瓊瑛響天吳紫蘚文興因靈運
發人是謫仙群秦客迷青靄湯休和碧雲便
應開淨社甘露洗塵紛

方丈山在鶴慶府城南一百里巍然峻拔山半
有洞中有池深不可測水滴巖下如方響音
昔蒙氏羅閣鳳琢觀音像於壁故又名觀音
山南詔名山凡十七此其一也

鶴慶東南七十里山名大成坡頂有泉圓徑尺
許深如之終歲不溢盛夏不涸相傳南詔蒙

氏過此三軍無水渴甚遂拔劍挿地泉隨湧
出至今行人資焉謂之一碗水

師宗州東有山曰馬者籠高峻雄峙勢莫與京
其西二十里地名河定鄉有小山高可五丈
盤根數百尺弘治十年一夕忽移於此山之
傍上有三大樹隨山而徙根枝如故土人但
聞風雷聲旦起視舊處已爲平地矣

河盧山在廣西府西延亘四十餘里南接彌勒
北跨師宗舊有阿盧部居之故名山麓有洞
深黝不可窮中有雕欄寶塔鐘鼓臥牀佛龕
之異

尋甸北五里有龍泉洞水湧出灌地數萬畝洞
中深邃蝙蝠甚衆遊者明炬輒爲所滅洞中
有一雀俗呼爲龍雀如遇木葉墜水輒爲銜
出郡中亢旱祈禱輒應

獅山在武定城西五里許峰截如削壁立千仞
其巔平敞里許有泉噴出瀦爲小池池旁羅
漢松一株大數十圍霜柯鐵榦世所罕見巖

半有菴曰龍隱中祠建文皇帝云帝自靖
難師入自髡以出栖此山者四十餘年始自
白歸大內今其像禪衣錫杖淒然老衲狀也
雪山在麗江西北二十餘里一名玉龍山條岡
百里巖嶮千峰上插雲霄下臨麗水山巔積
雪盛夏不消巖泉瀑布百道飛流蒙氏封爲
北嶽元李京詩麗江雪山天下絕積玉堆瓊
幾千疊足盤厚地背摩天衡華真成兩丘垤
平生愛作子長遊覽勝探奇不少休安得乘
風凌絕頂倒騎箕尾看神州

瓊英洞在順寧西南西粵山之麓其山層峰疊
壑石壁橫峭洞口豁然如城闕狀可十丈許
嵌空奇崛其上有青蓮華蓋朵朵下垂洞中
石鐘鼓磬擊之琳瑯成韻深邃莫窮幽致萬
狀蓋西南之奇觀也董難詩有云茲山奇絕
不可紀嶙峋嵌空難與比晦明幻化神物潛
章亥艱難不到此山鬼啾啾木客號古藤絕
索垂猿猱山禽百韻隔雲木落日熊羆呼其

曹路斷弔橋懸怪石宛若晴虹高萬尺懸幢
度索越他山颺颺天風吹羽翮煙霞不隔水
源深仙境微茫何處尋人似避秦雞犬近松
根履足覺然音洞門深鎖桃千樹山靈謝指
桃源路翠觀岑青紫府圖鬼工斲處心驚怖
石鐘纍纍石乳香龍飛鳳翥石筍長石鐘石
鼓還石磬鈞天樂派音鏗鏘仙人酌我長春
醕一飲驪襟無處所仙詞瀏澆滌塵煩自信
仙緣吾與汝

北勝州南有九龍山高萬丈餘磅礴百里山有
九峰於麓仰視則九山皆齊登其中峰之巔
則衆峰才及其半四顧無際可千里餘
赤石崖在北勝州西北三里許相傳禹乘赤龍
治水至此以斧劈之故山石皆殷赤色崖半
有泉其味如醴仲春居民郊遊爭掬飲之布
穀一鳴其味卽變

滇略卷之二終

滇略卷之三

產略

晉安謝肇淛輯

語曰十步之內必有豐草禹貢黑水梁州土
青黎而賦下中三錯聖人羈縻荒服固不竭
澤而漁之也商周西南之獻及於象齒矩狗
已非却葵之懿軌矣至漢書始言滇土平敞
有鹽池田漁之饒金銀畜產之富人俗豪怵
居官者皆富及累世夫官之富民之瘠也至

於今而惟正之徵發歲增筐篚之羔鴈日廣
市獐箕歛以鴟張貪估壘斷而罔利刮金佛
面削鐵針頭鮒已涸而决無時馬方逸而求
未已滇自此困矣故上有閉關焚裘之令而
後源可清下有馬羊金粟之長而後流不竭
其以為陸海而相載之非余所敢知也

湯四方獻令曰西南產里

即今車里

百濮以象齒矩

狗為獻孔氏曰矩狗狗之善者也今志作短

狗誤

周王會白民

即漢人

貢乘黃

似麒麟有角

十人

即人

貢

丹砂也

黑齒

即永昌夷

貢白鹿

漢元狩間張騫使大夏見邛竹杖問所從來曰

邛西二千里身毒國所產遂遣使至滇指求

身毒身毒今天竺也距麗江可二十里又廣

志云永昌有濮竹圍三尺餘大者一節受一

斛可為船小者數升可為檣楫

杜詩籠竹和煙滴露稍籠吐蕃地名也舊唐書

吐蕃傳有籠官大籠官又韋臯傳擒籠官四

十五人擒王籠官節度則其地產竹因以名
山之耳張志淳南園漫錄載之

唐蒙使南越食蒟醬問所從來曰道西北牂牁
今臨安大理俱有之卽葦茷也其實似葦子
土人以和五味宋司馬光送張寺丞詩漢家
尺五道置吏撫南夷欲使文翁化無令孟獲
知盤堆蒟醬實歌雜竹枝詞本草通鑑諸注
及張志淳南園漫錄皆以葦子爲蒟醬誤矣
然葦子一名扶留而扶留有二種葦茷與焉
見廣州記二者名亦相通但今所合檳榔食
者的非蒟耳

唐昭宗時南詔大旱二蕎不收飢民食烏昧不
給至取草根木葉啖之烏昧者野燕麥也滇
中霑益一路有之土人亦皆採食謂之鬼麥
黔中尤多諸葛元聲曰古樂府田中燕麥何
嘗可獲不知燕麥實有麥豈當時滇未通中
國徒聞其名耶

釣藤藤也可以釀酒土人漬米麥於甕熟而着

藤其中內注沸湯下燃微火主客執藤以吸
按釣藤卽千金藤主治霍亂及天行瘴氣善
解諸毒其功似與檳榔同也

樹頭酒緬出其樹類椶櫚高五六尺結實大如
掌緬人納麩鬘中懸之實下割實使汁入鬘
久則成酒其葉卽貝葉也古以寫經今緬以
書字

檳榔樹高十餘丈臨安廣南諸郡有之葉如芭
蕉花如金粟實如桃李土人四剖其房并實
乾而貫之食者佐以石灰及扶留扶留蔓子
也似桑椹而綠味辛烈其功消宿食祛瘴癘
故閩廣人亦噉之但閩廣人於檳榔去皮而
噉食於萋噉葉而棄子此爲異耳

荔枝臨安有二樹其一近北山寺大可合抱一
在王叅戎墅僅六寸徑耳熟以三月形味皆
劣於閩廣又有龍眼一株味皆差似嶺南然
此三樹之外土人百計種之不育也

閩廣有橄欖又有餘甘二物味相似而形迥別

橄欖長大兩頭纖餘其圓小而短樹亦不同
滇有餘其蜜而薦之土人亦謂之橄欖

大理賓川之黃柑色味甚佳大者如椀謂之獅
頭柑舊志謂北勝州產非也自秋及春皆噉
之香緣尤大如瓜味勝閩中遠甚

猩猩果曲靖大理俱有之高數丈春花秋實狀
如彈丸色如血故名味酸可食

雞窠菌屬以形似名永平產者最佳以六七月
大雷雨後生沙土中或在松下林間鮮者多

蟲間有毒出土一日卽宜采過五日卽腐采
後過一日卽香味俱盡所以爲珍土人鹽而
脯之熬液爲油以代醬豉亦作塿集韻塿土
菌也窠者鳥飛而縮其足之象雞取其形或
作蟻誤也余按古人謂葦爲樹雞唐肅宗取
作博子與張良姊戲者名或取此閩村谷中
亦有之俗不知珍謂之雞肉菰又有白生牛
乳菌柳菌松菌皆其屬也而味不逮蒙榆山
中亦產天花而土人不識謂之八担柴

抹猛果也形如小猪夷語果曰抹猪曰猛又謂
之抹母樹高大葉長如掌實與芭蕉相類而
差短夏月熟味甘酸滇程記曰色類櫻桃形
如橄欖

馬金囊其味似文官果而非文官果樹生而此
蔓生也咀之飲水留其不散一云傳惡瘡良
波羅蜜形如瓜短瓣攢生如椀其味黃者甘赤
者酢潞江及虧容夷地所產

大理上關和山之麓有樹高七八丈葉如桂花
開白色每朵十一二瓣以應月數遇閏輒多一
瓣相傳仙人所種更無別本土人因其地名
之曰和山花豫章鄧侯詩有云此花種來不
知歲要識歲功驗花蒂霜葉青青雪作葩風
前十二釵橫斜又云古來才士有棄置不信
請看和山花

龍尾關以西山中產和木肌理膩白而甚鬆如
南方杉木然取以爲器絕佳

古度臨安賓川山中俱有之記云不花而實實

從皮中出大如安石榴色赤可食實中有如
蒲梨者取之爲粽數日不煮皆化成虫如蟻
有翼穿皮飛出俗謂之無花果然閩亦有無
花果與記所載殊異楊慎古度賦口有木諺
容在句之東脩梯盤壤巨榦撐空闕華青帝
垂實玄工葦收傳紺屏翳粵紅子穿皮出房
殊卉叢膚無纖蠹腹育飛虫又曰炬比景淮
茵露果星燭葉雲布楠榴相思爲黨鄰平仲
君遷爲朋故君子識之是曰古度

滇中茶花甲於天下而會城內外尤勝其品七
十有二冬春之交霰雪紛積而繁英艷質照
耀庭除不可正視信尤物也豫章鄧渙稱其
有十德焉艷而不妖一也壽經二三百年二
也枝幹高疎大可合抱三也膚紋蒼黯若古
雲氣尊壘四也枝條夭矯似麈尾龍形五也
蟠根輪囷可几可枕六也豐葉如帷森沈蒙
茂七也性奈霜雪四序常青八也自開至落
可歷數月九也折入筍中旬日顏色不變半

含亦能自開十也爲詩一百韻賞之其紫薇
樹猶極繁盛皆高十數丈蔭數畝許公署尤
多盡千百年物也自夏徂秋紺英照耀庭廡
令人留連吟賞不忍捨去足稱二絕
地湧蓮高一二丈形類櫻欄花如蓮亦名木蓮
其小而蔓生者曰西番蓮雞足僧寮多植之
楚雄之響水坡產蘭甚繁楊慎稱其葉大而香
遠實離騷所稱可佩之真蘭莖葉皆香不獨
花也

血樹似芭蕉枝葉如血根幹紫黑色高者七八
尺惟臨安有之高第詩血樹真如血染成紺
看疑是赤龍精與石不惜連牀話試聽中宵
風雨聲

念珠樹生大理之下關每結穗百有八顆相傳
元時有日本僧四人同日坐化棄念珠於地
而生

杜鵑俗謂之映山紅花色有十數種鮮麗殊甚
家家種之盆盎又有燈籠花開如小燈籠紅

色其葉近幹者青近稍者赤又有蝶戲珠花
以其形似名之宋蘇子由詩誰唱殘春蝶戀
花一團粉翅亞枝斜美人欲向釵頭挿又恐
驚飛鬢上鴉

刺桐一名蒼梧花正赤色發密葉中傍照他物
皆朱殷然如是者竟歲土人以其形似名曰
鸚哥花又有蔬亦名刺桐肥潤若芝志謂鮮
可貳肉蒞可經年

赤藤產緬甸朱色可爲杖緬婦篋之以爲腰飾
唐元微之詩友親過澹別車馬到江回惟有
紅藤杖相隨萬里來韓愈和虞部盧汀酬翰
林錢微赤藤杖歌赤藤爲杖世未窺臺郎始
携自滇池滇王掃宮避使者跪進再拜語嗚
咿繩橋柱過免傾墮性命造次蒙扶持途經
百國皆莫識君臣聚觀逐旌麾共傳滇神出
水獻赤龍拔鬚血淋漓又云義和操火鞭暎
到西極睡所遺幾重包裹自題署不以瑋怪
誇荒夷歸來奉贈同舍子浮光照手欲把疑

空堂晝眠倚牖戶飛電着壁搜蛟螭南宮清
深禁闈密唱和有類吹埙篪妍詞麗句不可
繼見寄聊且遇分司又裴夷直南詔朱藤杖
詩六節南藤色似朱狂行塔砌勝人扶會須
將入深山去倚看雲泉作老夫

楚雄山中產斑竹不規而圓節去逾尺作筍殊
佳謂之天生筍記云雲南有實心竹文采斑
駁殊好可爲器物卽此是耶

火把花一名酒吊藤諸山俱有葉如杏大毒服
無不立死者乾之亦可毒人滇中以六月廿
五曰火把節則采此草束而燎之故名蓋欲
絕其種類而蕃滋彌甚村氓自盡圖賴時見
訟牘厲禁之不得也

安寧溫泉西岸有寺曰曹溪其中有曇花樹一
株相傳自西域來者扶疎百尺綠葉白花移
蘖他種終不復活其溫泉之側有無名樹僅
四五尺蟠根石崖四時不彫亦不復長楊用
脩遊其地有瑤草蟠千歲之語今距用脩又

且百年矣而形質如故不知其爲何木也
江川縣北二十里雙龍鄉有古樹不知其名初
春茁葉自南則旱自北則雨自東自西則風
雨時禾稼登四圍並發則饑饉旱澇驗之無
爽亦不知昉于何代也

瑣梅草實也似桑椹而短味亦似之其採以三
月又有草叢生山徑白花若薇子亦可啖四
五月間饑者茹之謂之救軍糧

蒙自山中有仙草葉圓枝細採其葉乾之一二
年蘸以泉井或氣呵之復鮮茂如故此亦太
和山萬年松之屬也

南方草木狀興古有果名劉三月花七月熟其
色黃其味酢又有豈蔻樹大如李二月花七
八月熟曝乾剝食其核味辛香

梧實大如豆殼脆易剝不與他處類俗謂之山
松子亦曰飛松

金剛慕木也出熨夷中非勝州亦有之青色狀
如刺桐最毒土人種以編籬人莫敢觸滇程

記云碧幹而蝟芒孔雀食之其漿殺人是以然以爲草誤也

魏武帝四時食製曰滇池鯽魚至冬極美今滇河冬月產者最佳腹中白腴長六七寸若切麪然烹之其甚楊慎圖贊云滇池鯽魚冬月可薦中含腴白號水母線其客乍餐以爲麪纜魏武未嘗至滇豈亦得之傳聞耶樊綽南夷志蒙舍鯽魚重者五斤然未之見也

西洱河產公魚一作魴又作工作弓僅如指長三寸許而味甚佳楊慎圖贊云西洱弓魚三寸其脩誰書以公音是字謬又晒多子亦孔之羞慎嘗作戲語云大理公魚皆有子雲南和尚豈無兒張志淳曰工卽江也古韻江亦音工陶淵明詩時雨濛濛平陸成江李翱別瀟山神文我亦何功路沿大江未知是否又上關石穴中八九月產油魚視魴更小而肥美過之炙則腴溢趙州產丁魚又小僅如釘耳諸河中蚌蜆充仞人無捕者螺大如拳有

黃有卵有腐秋夏之交盈肆亦奇錯也

細鱗魚產金沙江中大者三尺許肥甘異常魚
龍尾關凖水中亦有之而味不及也激江江
中產大頭魚尤佳江川又有濂窠魚二水相
通而二魚不相往來見則交嚙

鶉鷄水鳥也出通海然非土產每歲以上巳前
來重陽前去來時以夜群飛聲如雷其形金
頂紅嘴色類鴉身似鷺烹之香脆柔美甲於
水陸之鳥宦激江者謠云濂窠不入湖大頭

不入海十年萬里滇雲夢惟有鶉鷄沒處買
滇程記云雲南百夷中有小孟貢江產鮑魚食
之日御百婦故夷性極淫貴賤俱有數妻山
中又產鬻薑餌一刀圭終身斷絕人道土人
以飼牡馬不宦也

異魚圖贊滇中尚有二魚今未之見聊志之一
曰髮魚贊云髮魚帶髮形如婦人出于滇池
肥白無鱗一日竹頭鮮贊云張揖廣雅擣竹
頭鮮滇池所饒亦名竹丁魚以爲饌案酒薦

鱗按此恐即魚

脆蛇一名片蛇產順寧大候山中長二尺許遇人輒自斷爲三四人去後續乾之治惡疽腰以上用首以下用尾又治大麻風及痢

鱗蛇鱗屬四足長丈餘能吞豕鹿臨安諸郡及鎮康孟養有之冬春在山夏秋在水其膽治齒鬻解毒藥黃鱗爲上黑者次之

蟒蛇產孟艮山中土人欲取之先以鷄卜問諸神得吉非則入窟求之蛇見人輒伏不動夷人語之曰中國天子求爾膽爾可伏死否則吾亦不汝貰也蛇反背就戮今相傳云去膽復活者蓋謬說耳一蛇有三膽居頷下者以傳毒矢居腹間者入藥有病疽者以童便研一合服之又以傳患所頃刻而愈居尾者棄弗用

寰宇記云滇池黃津江有大蛇名曰青葱好食人又有大蛇藏樹上伺鹿過繞之鹿死乃吞而繞樹其角骨皆鑽皮而出蛇亦殆死瘡差

卽更吞之又郡國志云興古郡有大蛇長數丈尾有兩岐如鈎在水中以尾鈎取岸上人馬食之然今俱未之有聞也

元志烏蒙山峽多小黃蠅生毒蛇鱗甲中啣人痒痛搔之卽成瘡惟以冷水沃之搽鹽卽愈張志淳云永昌山中亦有問土人乃蛇糞中所生也

山呼似鸚鵡而差小樊之易馴宋蘇軾咏中山呼詩終日鎖筠籠回頭惜翠茸誰知聲嘒嘒

亦是意重重夜宿煙生浦朝鳴日上峰故巢何處是鷹隼豈能容

鸚鵡滇山中甚衆僅值數十錢耳馴於隴產者教之甚易言語亦有黃者產百夷中永樂中嘗貢此金幼孜有黃鸚鵡賦至於鸚鵡趙州木鳳山以千計能言又易於鸚鵡也

孔雀自惜其毛常巢深草中或依灌木時於杲日舒翼崖陽文采照耀山谷尾色最麗展之如屏故稱孔雀屏也性噉蛇虺或云亦與惡

蛇交其膽毒人立死夷人取其卵使家雞伏之可畜但不甚文耳華陽國志云雲南郡孔雀常以二月來翔月餘而去今殊不然朱秉器儲談云緬甸有鳥四足而肉翅其大如鷲其鳴似鶴能飛而不能遠其雛胎生飛行則負雛于背不踐稼穡不食生蟲殺之者不祥

唐咸亨中永昌之西野桑生石上其材上屈西向而下直南詔取以爲弓不筋漆而利名曰螟弓今鶴慶產巖桑猓猓取以爲弓發矢千步其遺種也

越賧之西產善馬世稱越賧駿始生若羔歲中以紐莎縻飲之以米藩七年可御日馳數百里至宋建炎紹興常以錦絲買馬於大理范成大桂海虞衡志云大理馬爲西南蕃之最今滇絕無馬惟緬產者稍爲雄駿次則昆明宜良陸涼世稱西馬黔國有牧場焉其馬自生自育一牡九牝隨向飲斲他牡至輒蹄之

非牧人不敢近也

博物志云雲南郡出茶首其音蔡茂是兩頭鹿也其腹中胎可治蛇虺毒土人常以四月中取之按後漢書兩頭鹿見雲南其卽是耶然亦不恒有矣

象產緬甸之擺古距永昌可四千餘里莽酋居焉得象馴而習之以供戰陳其梟者直千金貢象可三百金景東土官常畜以備宣索

常璩南中志云永昌有貊獸能食鐵有猩猩能人言其血可以染朱罽

博物志云越雋有牛稍割取肉經日復生釋法盛歷國傳亦云天竺有稍割牛十日一割不便困病

鬻牛產刺次香羅瓦魯諸夷地毛可爲帽爲纓莊子所謂大若垂天之雲而不能捕鼠是已騰衝有地名緬箐常有二獸出見大如橐駝毛色碧綠獅首象蹄牛尾有齒無牙頂戴肉角見人則伏地而鳴土人誤殺其一暴露數日

海
卷之三
都不臭腐父老云此獸見則有兵

史記稱笮馬棘僮髦牛髦卽羗也棘僮信實而忠於其主至死不變人得此僮爲僕甚爲利益今之棘夷獐獠樂戰鬪詎堪畜養哉

百夷雞產永昌諸蠻地視家雞足短而善鳴晝夜無時音穉若鷓鴣然雌者亦鳴又夏秋之交生秧田中者曰秧鷄小而黠不可捕其五色俱備日中吐綬者曰錦鷄

薄辰大如狐而人立手足類熊亦曰熊第炙之甚美福羅似猴而毛赤可爲裘性嗜蜜土人置蜜罇之出鶴慶山谷中

哈芙蓉夷產也以鶯粟汁和草烏合成之其精者爲鴉片價埒兼金可療泄痢風虫諸症尤能堅陽不泄房中之術多用之然亦有大毒滇人忿爭者往往吞之卽斃

百鵲膽一名蘆薈亦夷地草滴脂淚而成凝黑若錫味苦甚故名也又謂之鴉覽亦名黑藥治小兒五疳最良解巴豆毒及頭癬齒蠱服

過七分者死

阿魏亦出者樂旬相傳大樹凝脂下洒着物卽
化市之鬻者皆其化也故諺曰阿魏無真此
物極臭而能止臭殺蟲消痞辟瘟治瘧諸鬼
物畏之一曰合昔泥夷人以淹羊肉甚美
噉叭香不知何物所製以其國名氣味稍似阿
魏可和諸香爇之昔人有賃凶宅者旣知其
凶不得便徙橐中有噉叭香取焚之數夕中
夜聞鬼物語曰彼焚何物令我頭痛不堪亟

避之翌日宅遂清吉無事

香又有白檀甘檀紫檀青木降真諸種而麝爲
之最然土人不知製香售之估客而已焚供
皆劈檀榆之屬爇之

細茄枝葉皆類家茄結實似荔枝枝核而有蒂土
人雕刻其上而繫之拭眼去翳亦解瘡毒細
豆者如豆蔓生子大如粟斑文點點咀之傳
瘡良然性迅惡誤服之吐瀉致死又有神黃
豆調水飲能解小兒豆毒然亦不甚驗也

白龍鬚草名出蒙化永昌間有大毒祛風發汗
軟人肌骨治痿痺最効然每服止可二三分
至五分極矣須以無灰酒嚥之或與烏骨雞
同煮服後仍坐密室三日不可風溼人不甚
用惟女子洗足用之云骨軟易纏也

蛤蚧沉江山中有之穴於枯樹其鳴雄曰蛤
雌曰蚧聲相和然後合捕之相抱至死不脫房
中藥用之

雪蛆產麗江之雪山形如竹鷄土人於積雪中

所得臚食之云愈心腹熱疾間有脯至鶴慶
鬻者然不恒有也

八骨出楚雄之呂合驛相傳南詔時張王二
生遇呂仙於此王得度上昇張不能從憤而
死埋骨山中化為石瑩徹如水晶傳一切瘡
瘍立愈詳見雜略

蒙山產草烏最毒弘治間有周朱二醫採以釀
酒比熟周將以進要人夕先嘗之迨曉斃矣
朱則邀道侶四人共飲二人先至飲之至客

俱斃座上二人以後至得免焚爨諸夷煉以
傳矢中人畜無不立死者仇家取置衣領及
冠巾中遣人着之卽腦裂頭斷然其方秘不
傳也

人參出姚州及大理山中性視遠產燥烈不可
服土人亦不知製也其小而脩者曰竹節參
性彌緩

高河菜似芹菹之良出點蒼君之高河故名相傳
云採者不可有聲聲則致雷雨

語云金生麗水今麗江其地也其江曰金沙源
出吐蕃經鐵橋寶山永寧北勝以達東川江
澣沙泥金麩雜之貧民淘而煨焉日僅分文
售蜀佑轉諸四方其稅屬之土府漢不得有
也 朝廷歲責滇賦金五千其直可四萬緡
皆蜀佑有力者先期受直於官而走四遠哀
入之間有逃且死者累及姻族析楊纍纍至
於黔巫瘴癘十死一生又不具論也永平山
中間有金沙色更赤而利甚微

麗江之金不止沙中又有瓜子羊頭等金大或如指產山谷中先以牛犁之俟雨後卽出土夷人拾之納於土官然近亦絕無矣

補物志補云金一也產於金沙江者紫色光瑩產於麗江者色赤而沾垢膩銀一也產於梁王山者白瑩而有茶花黃點撲之有聲琤琤然產於細花明光諸場者微有鉛色撲之其聲黯麗江府產金尤多每雨後其金散於如豆如棗大者如拳破之中空有水亦有包石于者銀則穴地數十丈取鑛石鍊之其所產最甚者莫如磨乃場

滇銀鑛共二十有三所置場委官以征其課歲約二萬緡然脉有盛衰課隨盈縮又有銅鑛十九所鉛鑛四所碌鑛一所按禹貢梁州貢鐵銀鏤漢書地理注銀出朱提屬寧州部其來久矣錫則臨安者最佳上者爲芭蕉葉扣之聲如銅鐵其白如銀作器殊良出市者雜以鉛遂頓減價

瑪瑙產永昌之哀牢山紅白二色其相間者謂之纏絲又有土瑪瑙其色微紅而堅不足近遼東瑪瑙盛行而滇產廢矣

寶石產猛密木邦及永平以西皆有之生山坳溪澗注水之所謂之寶井色類不一值亦懸絕蔚藍色而重數兩者卽逾千金然亦不多得也其雜碎者爲寶砂傳聞先朝時寶井得一寶石中有蒼蠅二頭置几上能辟蠅鎮守中官聞之以三百金購去

琥珀產緬巽諸西夷地相傳松脂入地千年所化又云楓木精液凝成未知信否但其中亦有蚊蟻等形想不誣也其直火珀及杏紅爲上血珀金珀次之蠟珀最下又其下者可供藥餌而已宋劉裕南征時寧州獻琥珀枕裕大悅以其冶金創碎以分將士今重三五兩以上者卽不可多得矣萬曆甲午有詔下藩司取二百斤一時騷然惟永昌郡帑舊貯二十餘斤悉以上供搜括數年竟不能充其

數而止民破家者無算

催生石亦出西陲山下色翠而間以白作酒器
飲之云能治產難然不甚驗至於紫英雲母
石膏深綠石黃地所時有不足珍也其他如
水精綠玉墨玉碧瑱古喇錦西洋布孩兒茶
之屬皆流商自猛密迤西數千里而至者非
滇產也而爲滇病最甚然後漢書已稱永昌
出金銀光珠琥珀水晶瑠璃軻蟲蚌珠孔雀
翡翠犀象猩猩貂獸以今較之又不可逮矣

南中志云永昌產光珠有光珠穴呂凱子祥太
康中獻光珠五百斤又云瀾滄水有珊瑚今
俱絕無

文石出點蒼山之北麓白質黑章膩若截肪琢
爲屏障其最佳者蒼素分明山川遠近雲林
掩映若天生圖畫不脛而走四方好事者爭
購之相傳李德裕平泉庄醒酒石卽此也然
贗作者亦復不少其作人物驢馬以媚俗眼
者皆饒鼎耳 大內鼎建不時採取頗爲民

累嘉靖辛酉 詔取四尺以上至七尺者五
十巡撫蔣宗魯奏罷之萬曆癸巳 詔取鳳
凰石百餘皆擇石中有花草鸞鶴形者名之
然僅三四尺而止閩鄧原岳點蒼山石歌點
蒼山頭日吐雲紫光白氣長氤氳却產奇石
作屏障終朝開採徒紛紛頻年貢入長安道
濃淡之間山色好 君王便作畫圖看豈識
問問剗肝腦朝餐暮解苦不休 詔書昨下
仍苛求前運後運相結束道傍嘆息聲啾啾
耳目之翫豈少此十夫供役九夫死從來尤
物是禍胎吁嗟乎當時作備者誰子

永昌人善造料絲初由鎮守內使有之珍秘殊
甚永昌人試效爲及成反精於彼又長大數
倍其法以紫石英赭石合饒磁諸料煨之於
烈火中抽其絲織以成片加之絲繪以爲燈
屏故曰料絲李文正公以爲繚絲誤矣又以
瑪瑙合紫石粉而煨之以成碁子瑩潤細膩
甲於天下

滇苦無茗非其地不產也土人不得採取製造
之方卽成而不知烹瀹之節猶無茗也昆明
之泰華其雷聲初動者色香不下松蘿但揉
不勻細耳點蒼感通寺之產過之值亦不廉
士庶所用皆普茶也蒸而成團瀹作草氣差
勝飲水耳

滇水皆以海名而味不鹹鹽皆自井中出也楚
雄有黑井白石泉井巖泉井東井琅井阿陋
井猴井姚安有白羊井白石谷井觀音井舊

井橋井界井中井灰井尾井阿拜小井大理
有諾鄧井大井山井天耳井師井順盪井石
門井洛馬井石縫井河邊井天生井安寧州
有大井石井河中井大界井新井鶴慶有彌
沙井橋後井武定有只舊井草起井其餘小
井無數皆熬波成鹽迤西者圓如瓜迤東者
如巖石惟順盪自巖穴湧出有池盛之熬作
樸形最潔白無滓此泉初出甚盛日百餘斛
所司遣官驗跡土人懼其增課也以木石壅

其源令緩既去泉流遂微矣又威遠州莫蒙寨有河汲而澆諸火上卽成鹽

氊者織羊毛爲之其細如絨堅厚如氊染成五色謂之縹氊永昌麗江人能爲之其在廣西者曰氊氊本一種也氊則諸郡皆爲之而鄧川最良然亦麤甚桂海虞衡志云蠻氊以大

理爲最蠻人晝披夜臥無貴賤人有一番布以永昌之細布爲佳有千扣者其次有桐花布竹布井口布火麻布莎羅布象眼布而洱

海紅花膏染成最艷謂之洱紅永昌善造毒謂之金齒青其直獨倍他所南中志云有闌干細布闌干獠言紵也文如綾錦華嶠後漢書云哀牢夷之染綵紬布織成文章如綾錦有梧桐葉績以爲布幅廣五尺潔白不受垢污先以覆亡人而後服之今西洋布豈其遺種耶

南詔通紀云兜羅綿出金齒木邦甸又有火草布草葉三四寸踢地而生葉背有綿取其端

而抽之成絲織以爲布寬七寸許以爲可以
爲燧取火故曰火草然不知其何所出也
紙出大理蒸竹及穀皮爲之其水必用藥師井
者良膩而不燥謂之清抄可以久藏但差狹
小耳其用米粉抄者鮮白有餘而善腐蠹字
畫易脫若華亭粉箋然其製稍長滇無柬紙
以此代之

蘇易簡曰雞足山古松心燒煙爲墨最佳今大
理工人取松煙膠和入丹砂雜以腦麝硫黃
爲之雖不及歙墨之良較之他處稍勝然歙
墨用油煙非古法也曹子建詩云墨出青松
煙伏池筆記真松煤遠煙自有龍麝氣則滇
猶有古之遺法即但持以作字一點如漆不
能不遜新安耳

桂海虞衡志云蠻甲惟大理國最工甲冑皆用
象皮曾青各一大片如龜殼堅厚與鐵等文
照撥小皮片爲披膊護項之屬製如中國鐵
甲葉皆朱之兜鍪及甲身內外悉朱地間黃

黑漆作百花蟲獸之文如世所用犀毗器極
工妙又以小白貝纍纍絡甲縫又裝兜鍪疑
猶傳古貝冑朱綾遺製云

又云雲南刀卽大理所作鐵青黑沈沈不銹南
人最貴之以象皮爲鞘朱之上亦畫犀毗花
文一鞘兩室各函一刀鞘以皮條纏束貴人
以金銀絲今大理無刀惟鶴慶刀劍馳譽四
方其法取古宗鐵濯以鶴川水利可割犀柔
者可以繞腹然古宗鐵不易得買之四遠者
皆凡鐵耳而以金銀裝飾取媚無當於用此
書刀則新興安寧者良

緬鈴相傳鵬精也鵬性淫毒一出諸牝悉避去
遇蠻婦輒啄而求合土人束草衣絳衣簪花
其上鵬黝之不置精溢衣上跳躍不休采之
果以重金大僅如豆嵌之於勢以御婦人得
氣愈動然秘不外售殺夷取之始得滇人僞
者以金作蒺藜形裹而搖之亦躍但彼不搖
自鳴耳一名云太極丸

景東蒙化之間夷民能織斑絲蓋亦土蠶之繭
織成紫白相間如記所稱吉貝者劉禹錫諸
蠻衣斑爛布其謂是耶然幅狹而短不堪作
衣耳

滇略卷之三終



39

